

A l'è mesa scarnà,
 Tutta caria d' poterle,
 Con sinch onge ancarnà,
 E sent caterle.

A coust parti famos
 Sa sa chi veul atende
 Pr fesse dunna spos,
 Ch'a s' fassa antende;
 Fè nen i tamnandan,
 Se pur n'avi l'anvia,
 Na treuve pa doman
 N' altra paria.

Una Donna malcontenta del suo Marito.

CANZONE III.

Mi povrinna ch'i son desgrassià,
 Marcè, fie tute,
 Vnime a scotè
 E bele, e brute,
 Già da maridè:
 Aveie giudissi,
 Giughè nen d' caprissi,
 D' fè le corive
 Pr nen peui pentive,
 Com' l'è ariva
 A mi: j' eu la sfortunna
 D' un omo gelos
 Ch'a bat la lunna;
 Brut, vei, e bavos;
 E pr spiegheve le soe qualità,

L'è un gonzo, l'è un babi,
 L'è un trubi, l'è un coco,
 L'è un gnero,
 Si ch'i l'eu feita la folairà.

Mi podia pa pi sopportè

D'andeme tavota

Cogè da sprmi:

Cousta marmota

M'ha comensà di:

Bon di Margrita,

Mia gioja, mia vita;

Voi an sostansa

Sè mia speransa,

E me bel cheurin:

Mi, malanagi!

Da coui bombonat

Son poch al viagi

Tombà al trabiciat,

Tra tant ades i son bel' e disperà.

L'è un gonzo, ecc.

O che drolo d' servel fait a croch!

Mi crad ch'ai na sia

Pa gnun d' coula sort

Con fantasia,

E un umor così stort:

Che bon pro fassa

Da coula ganassa!

Semper arinogna,

Grassios com' la roгна,

Nojos com' la pest;

Da tute bande a m' ven tentassion

Pr tante lande,

Gabele e question

D'andè a butelo pr drugia ant un prà.

L'è un gonzo, ecc.

Quand a m' vad con quaichun a parlè

Oh! che brutta cera,
 Che eujas s' buta fè,
 Oh che galera,
 Ch'a m' fa sopportè!

E loli dura

D'ij di con dle smanne,

Ch'a l'è sigura,

Ch'a m' fa vni le canne

Con tuta rason.

S'i m' veui scuseme

Con coul martinass,

L'è meud pr feme

Fracassè 'l mostas,

Venta ch'i tenna la lenga sarà.

L'è un gonzo, ecc.

Mi seu pa com' i l'abia da piè,

Pr fè ch'un ij fassa

J'è mai nen d' bin fait,

Con che bilassa

Ch'a m' fa sauté 'l lait;

Mi resto fola

Su mia parola,

D' vote i m' daria

Pr gran bisaria

Dla testa ant ij ciò:

Quand pi i m' studio

Pr deje ant l'umor,

Tant pi coul flubio

M'arbuta, ch' fa por,

Considerève che vita anrabià!

L'è un gonzo, ecc.

Mi son stofia d' parieje 'l mangè;

Ch'a vada an galera

'Tavota ch'a veul,

J'è pa manera
 D' servi coul faseul,
 Bin ch' i podeissa
 Fè tant, ch' i mantneissa
 Una cusinna
 Dla roba pi finna,
 Ch' as peussa trovè,
 Tutun saria,
 Prchè coul trombon
 Tant a trovria
 Mai nen ch' a fuss bon,
 Fora arfileje cinquanta barà.
 L'è un gonzo, ecc.

Neuit e di ten parlà da sperchial,
 Ch' a smia ch' a l' abia
 Le asiende d' 'n Stat,
 E sauta an rabia
 Pistand com' un mat,
 Semper a vira
 Com' un ch' a delira,
 Mai a s' aresta
 Dle man, o dla testa
 Da fè mila gest:
 Quanti ant le furie
 Ficà ant l' ospidal
 Fan pa d' materie
 Com' coust animal
 Così lunatich, così stravirà!
 L'è un gonzo, ecc.

A son cose da fè slambanè
 Senti coul brdovia
 An conversassion
 Mnè la gasovia
 Fasand 'l gascon;
 Che d' rasonasse,

Che d'pataflanasse,
 Ch'a l'an nè tira,
 Nè grassia, nè mira,
 Ch'a va mai spuand!
 E gara aveje
 Tant cheur, e tant front,
 Ch'un voleis feje
 Quaich pcit contrapunt,
 Saria d'fesse ranchè la corà.

L'è un gonzo, ecc.

J'è quaich vota, ch'ai sauta coul rat

Ch'am ciama ch'i fassa
 Quaich gnogna coul fol,
 E ch'i l'ambrassa
 Bin streit ant 'l col,
 Oh! si ch'anlora
 Mi seu nen s'i piora,
 O s'i sgrignassa
 A pienna ganassa
 Bucand coul mostas.
 L'ha j'eui ch'ai pioro
 L'è nacc e baleus,
 D'rupie su 'l moro,
 Ch'a smio dle preus,
 La bouca storta, e la pel giamolà.
 L'è un gonzo ecc.

A peul gnanca sciaireme mangè,

E quand a m'agrada
 D'mangè un pcit bocon,
 Venta ch'i vada
 Sgrufiè da scondon,
 E antorn dla sia,
 Quand j'eu la pvia;
 E li ch'i pensa
 D'aveje passienssa

E gnanca parlè,
 S' no noi i foma
 Un cert rabadan
 Tant ch' i s' tiroma
 D' i dent, com' doi can,
 Ch' i foma-core tut 'l vsinà.
 L'è un gonzo, ecc.

Basta di, che pi d' doi o tre di
 J'è gnune servente
 Ch' a peusso regnè,
 Pr gran lamente,
 Ch' ai fa trop giunè;
 Tra tant a venta
 Fè mi la serventa,
 Ch' mi m' strapassa,
 Fè mi la ramassa,
 E stringa dla pel;
 Almanch aveislo
 Pa tanti difet,
 Almanch mandeislo
 Al boja i sospet
 Pr nen sentime fè tante arvirà.
 L'è un gonzo, ecc.

Piè un pò tute l' esempi da mi,
 Voi aitre matote,
 Ch' i sè carpionà;
 Piè guarda d' vote
 Ch' i résteisse anganà,
 Esse pa fole
 Tacandve a d' parole,
 Quante caresse
 Ch' a v' fan con d' promesse
 Sti vei desdentà!
 E peui a v' tenno
 Sogete com' d' can,

E 'l pes, ch'a v' menno
 Peui ancora le man,
 Basta ch' i fasse quaich pcita sgarà;
 Son d' gonzo, son d' babi,
 Son d' trubi, son d' coco,
 Son d' gnero;
 Gara, s' i fè cousta folairà.

Il Marito si lagna della Moglie.

Risposta all'antecedente sull'aria stessa.

CANZONE IV.

Che cagninna, che disperassion!
 Sì sì, dime pura,
 Ch' i son un tavan,
 Senza ch' i giura
 Le gent a cherdran,
 Oh che folia!
 Chi sa s' i durmia
 O s' i revava,
 O cosa i m' toirava
 Disend coul gran si:
 J' eu pr desgrassia
 Pià un fidecomis,
 Ch' a l' ha nè grassia,
 Nè deuit, nè d' ardis;
 Ma le manere d' un cabassinass,
 L' è scrosa, bavosa, nojosa,
 Svergnosa, una tiorba:
 Si ch' i l' eu pialo 'l bel bagagias.